

ЕРЛИДЕС

Бимерибе ан дефиесте отчивкян.
Меклян дуваря храми девлано.
Лебедин, денди Девлестар-Дел
кидингян религяте ек - сайпнаске.
Тай аччилян ппувярно, алавеса “Ерлис”...
Ангян ччавен, ромня, саста фамиля ...
Космикано дром маргян жи ки “Ппув!”
Традиме са, труш-лаччипе, умренд, апак!
Животоске идеално, саво на пенжарел химя.
Простиме уло туке катар о хъзи юмано
то авгоняло, юмалутно жинси - любов.
То апакиябе кариг о шужутло, бидиккло дуйняс.
Простиме уло туке, кай прошкес на генес...
Ан ангали е сайпнаске дром девлано мангес.

Издрал! Ти бари дар ашал е дуйняскоро агор!
О улавдипе машкар о животос тай о мерибе
лес да бендингян!
Аферим туке! Кай на отречингян то алав “ром-ерлис!”
Кай ччингян е хайстимнаскоро, париндало най.
Кай астаргян лошальяса те биянгъовес, ккиниос
тай мерес телал о ккамало чери анди чар, анди ппув-чик!
Уздибнаса ягаке живди! Бимерибе! Животос-пребияндипе!
Машкар девлети!
Билавдипе о аверипе машкар о дуйнядес Ер тай Ппувя.

Тай шунес о даютно сеси андар о девлане ттана: “Моро ччаво!
Куртулуши, дефи отчивкян. Ертисарав туке, кай
на жангавес машкар о зелендря чингар, и свобода отчивкян...
На ттарес яга-рештиме телал и патека лунани, ягали
жи ми черуни юпин, ехмиме е авгутне ккамиклипнаса...
Мере Ерлидес-Рома! Ангелия биворбутне! Ччаве, катар о муле рупвале
севиня! Иле-сомнакай! Ертисарен!
Живинен ко дуйто дуйняс благословиме! Тай помнинен
о хакай катар тумаро биянутно тттан Ер: Дехиба тай апакияба ко Дел!

